

## A Diferente tiponan di fe::

### ❖ Fe i señalnan.

- Un señal ta un marka distintivo di demonstrashon duná pa konfirmá un mensahe inspirá òf pa sostené outoridat divino. Ounke un señal generalmente ta wòrdu kompréndé di ta un evento milagroso — manera e kasamentu na Kana (Juan 2:11) — e echo ku Israel a kamper dilanti di Seru di Sinai pa adorá Dios (Eksodo 3:12) tambe a wòrdu duná komo un señal.
- E Fariseonan a pidi Hesus pa muestra nan un señal di kualkier klase ku lo por prueba ku E tabata e Mesias, asina ku nan lo por kere den djE (Marko 8:11).
- Hesus tabata iritá(provoká ) ora ku nan a pidi pa un señal pa hustifiká nan falta di fe (Marko 8:12). Ora ku un hende no kier kere, ningun señal lo ta kapas pa konvensé nan.
- Dios a duna nos suficiente evidencia den Su Palabra i den naturalesa asina ku ken sea ta desea pa kere lo por kere. Sinembargo, semper tin lugá pa duda. Pesei Hesus a duna un bendishon speshal na “ esnan kende no a mira i tòg a kere ” (Juan 20:29).

### ❖ E midí di fe.

- Tin diferente midinan di fe:
  - (1) E fe di e apòstelnan: “Pakiko boso no tin fe?” (Marko 4:40)
  - (2) Pedro su fe: “Abo tin poko fe!” (Mat. 14:31)
  - (3) E Tata su fe: “Bini na e yudansa di mi poko fe” (Marko 9:24)
  - (4) E fe di e muhé Kananeo: “Grandi ta bo fe” (Mt. 15:28)
  - (5) E Senturión su Fe: “Mi no a haña un tal fe grandi asina ni asta na Israel” (Luke 7:9)
  - (6) Esteban su fe: “hòmber yen di fe ” (Echonan 6:5)
- Ta kla ku fe por krese segun ku e raisnan di inkredulidat ta wòrdu ranká ku rais. Konvikshon gradualmente mester remplasá duda. Nos petishon mester ta: “ Oumentá nos fe” (Lukas17:5).
- Dor di e trabou di e Spiritu Santu, e estudio di e Beibel, i nos eksperensia ku Dios nos lo ta kapas pa opservá ku “ bo fe ta kresiendo ” (2Tes1:3).

### ❖ Fe i sintimentunan.

- Fe ta un sintimentu òf un akto rashonal?
- E kontesta na e pregunta aki ta importante. No ta meskos pa bisa “ MI TA SINTI salbá ” komo pa bisa “ MI SA mi ta salbá.”
- Pero laga nos kuminsá for di prinsipio. Kiko ta e origin di fe? Fe ta bini for di Dios i E ta duna esaki na nos komo un don(regalo) (Rom. 12:3; Efe. 2:8).
- Ora ku nos reakshoná(respondé) positivamente na e don ei — ora ku nos kuminsá ta ehersé fe — e fe ei ta produsí den nos sintimentunan manera goso; trankilidat; un sentido di alivio spiritual; ...
- Pero fe di su mes no ta un sintimentu; esaki ta “ siguridat ” i “ konvikshon ” (Heb. 11:1). E no ta algu ku ta dependé riba nos beis(humor). Ora ku mi ta sinti swak, òf ta sinti ku mi salbashon ta leu ayá, esei ta e tempu ku mi mester ehersé e mayoria fe.

## **B Kiko ta fe?**

### **❖ Definishon i desaroyo di fe.**

- Hebreonan 11:1, 3, i 6 ta ofresé nos un definishon Amplio di fe. Fe tin hopi di hasi ku nos konsepto di Dios. E ta guia nos pa kere den djE komo Kreador i Rekompensador.
- Den e sobra di e kapítulo, Pablo ta elaborá riba e fe di hopi hòmbènan i muhénan kende ta sirbi komo un ehèmpel i enkurashamentu pa nos no pèrdè kurason mientras nos ta spera e rekompensa.
- Manera nos a mira, nos tur no tin e mesun nivel di di fe. Kon ami lo por desaroyá loke sea e fe ku mi tin, sea ku e ta tiki òf hopi?
  - (1) Praktiká fe, kon sea chikitu esaki lo por ta (Mat. 17:20)
  - (2) Studia e Beibel (Rom. 10:17)
  - (3) Pidi Dios pa oumentá esaki (Lukas 17:5)
  - (4) No entregá na duda (Marko 9:23-24)
  - (5) No basa mi fe riba e fe di otronan (Mat. 25:8)
  - (6) Respondiendo na e Spiritu Santu (Gal. 5:22)
  - (7) Pa habitualmente praktiká mi fe (2 Kor. 5:7)

### **❖ E fe di Hesus.**

- Nos, e fielnan kende ta biba serka di e regreso di Hesus, ta wòrdu distingí dor di dos kos ku nos mester “ warda ” (esei ta, obedesé òf preservá ): e mandamentunan i e fe di Hesus. (Rev. 14:12).
- E Lei ( e mandamentunan ) i e Evangelio ( fe ) ta trose un den otro. Bo no por obedesé sin tin fe, ni kere sin obedesé. Pero kiko “ e fe di Hesus “ ta nifiká?
  - (1) Sea obedesido na Hesus i Su Palabra.
  - (2) Teniendo un eksperensia diario ku Hesus.
  - (3) Hasiendo Hesus e sentro di nos bida.
  - (4) Pa bida di akuerdo ku nos fe.
  - (5) Pa basa nos fe riba Hesus.
  - (6) Reflehando Hesus den nos bida.
  - (7) Aseptá e don di Su grasia.
- Dor di tin fe den Hesus nos ta wòrdu hustifiká (Rom. 5:1), santifiká ( Echonon 26:18), i bira yuinan di Dios (Juan 1:12. 1:12).